

醫

方

論

序

欲救人而學醫則可欲謀利而學醫則不可我  
若有疾望醫之救我者何如我之父母妻子有  
疾望醫之相救者何如易地以觀則利心自澹  
矣利心澹則良心現良心現斯畏心生平時讀  
書必且研以小心也臨症施治不敢掉以輕心  
也夫而後以局外之身引而進之局內而痛癢  
相關矣故醫雖小道而所係甚重畧一舉手人

之生死因之可不懼乎哉近年以來叠遭兵  
火老成多半凋殘學醫者紛紛日起吾恐其無  
有師承而果於自用也故於拙刻醫醇臚義中  
先標一醇字此非不求有功但求無過之謂若  
僅如是是淺陋而已矣庸劣而已矣何足以言  
醇乎吾之所謂醇者在義理之的當而不在藥  
味之新奇如仲景三承氣湯頗爲峻猛而能救  
人於存亡危急之時其峻也正其醇也此吾之

所謂醇也夫學難躐等而法有正宗初學者此法成就者亦此法先後共此一途行遠自邇不惑於他岐如是而已矣第書籍散失學者難於博觀而約取之鄉曲之士每以醫方集解一書奉爲枕秘前經臨症輒檢用之殊不知集中可用之方固多而不可用者亦不少漫無別擇草菅人命矣茲於所集各方之後逐加評論蓋欲爲初學定範圍非敢爲高明下針砭也且欲學

者澹其謀利之慾發其救人之心猶前志云  
同治四年十月武進費伯雄晉卿甫題於古延  
陵之寓齋

發凡

一 是編專爲初學而設但取醫方集解所選之方逐一評論其餘概不旁及

一 是編但載一方一論與原書對看自明其主治與註釋一概不錄以歸簡便

一 學醫而不讀靈素則不明經絡無以知致病之由不讀傷寒金匱則無以知立方之法而無從施治不讀金元四大家則無以

通補馮溫涼之用而不知變化集解所選  
之方原以仲景及四家爲宗其餘所收者  
不過張王許錢嚴陶數人而已本未嘗博  
採羣書也然於此而得其醇化其偏觸類  
引伸亦可以無大過有志之士欲求更上  
一層則自有由博反約之法在

一 確以駑駘下質何敢以管窺之見妄議古  
人然欲爲初學折衷一是則僭妄之罪所

不敢辭



醫方論卷一

武進費伯雄晉卿甫著

男應蘭編次

孫承祖

柴祖

校字

六味地黃丸

地黃

砂仁酒拌九蒸丸晒八兩

山茱肉

酒潤

山藥

四兩

茯苓

乳拌

丹皮

三兩

澤瀉

三兩

蜜丸

此方非但治肝腎不足實三陰並治之劑有

熟地之膩補腎水。卽有澤瀉之宜洩腎濁。以濟之。有萸肉之溫瀉肝經。卽有丹皮之清瀉肝火以佐之。有山藥收攝脾經。卽有茯苓之淡滲脾濕以和之。藥止六味而大開大合。三陰並治。洵補方之正鵠也。

附桂八味丸

熟地

八兩

山藥

四兩

山藥

四兩

茯苓

三兩

丹皮

三兩

澤瀉

三兩

附子

一兩

肉桂

一兩

蜜丸

附桂八味爲治命腎虛寒之正藥。亦導龍歸海之妙法。然虛陽上浮。火無所附者。必於脉象細黍。或脈洪大而重按甚弱。或寸關洪大。而兩尺獨虛細者。宜之。否則抱薪救火。必成燎原之勢矣。

知柏八味丸

大熟地

八兩

山茱肉

四兩

山藥

四兩

茯苓

三兩

澤瀉

三兩

牡丹皮

三兩

知母

二兩

黃柏

二兩

蜜丸

知柏入味。雖云壯水制火。究竟苦寒太過。徒傷胃氣。水亦無以滋生。不如用介類潛陽。生津益髓之法。爲妥。或腎有邪火。強陽不痿等症。可以暫用。

七寶美髯丹

何首烏

赤白各一筋。去皮切。

白茯苓

乳拌半

牛膝

酒浸同首烏。第九次。

當歸

酒洗

枸杞

酒蒸

菟絲子

酒浸蒸破。故紙拌炒四兩。

蜜丸

此溫補命腎兼攝納下元之劑。地黃補腎中之陰。首烏補腎中之陽。各爲君藥。不可合併。用各有當也。

### 還少丹

熟地

二兩 山藥

一兩五錢

牛膝

酒浸一兩五錢

一兩

枸杞

酒浸兩半

山茱肉

茯苓

乳拌 杜仲

薑汁炒

遠志

去心

楮實

酒浸

五味子

炒 小茴香

炒 巴戟天

酒浸 肉蓯蓉

酒浸

一兩

石菖蒲

五錢

加棗肉蜜丸

此方以溫補脾腎爲主。參以潤肺金而通山澤。用意極佳。微嫌遠志菖蒲二味開透太過。與羸乏盜汗等症不宜。不如酌用丹參柏仁之類爲妥。

### 黑地黄丸

蒼朮酒浸熟地黄一 五味子半 乾薑春冬二兩 秋七錢 夏五錢

### 棗肉蜜丸

此方去脾濕潤腎燥極爲老潔。然濕勝者爲

宜血虛者。尚宜酌量加減。

虎潛丸

黃柏

鹽酒炒

知母

鹽酒炒

熟地黄

三兩

虎脰骨

酥炙一兩

龜版

酥炙四兩

瑣陽

酒潤

當歸

酒洗一兩

牛膝

酒蒸

白芍

酒炒

陳皮

鹽水潤二兩

錫羊肉酒煮爛。加冬

加乾薑一兩

虎潛丸。息肝腎之虛。風風從。虎虎潛。則風息也。惟知柏苦寒。用以洩腎經之邪火。則可若

謂補腎滋陰則予不以爲是。不如用枸兔等類爲佳。

### 天真丸

精羊肉

七觔去筋膜脂皮批開入下藥末

肉從蓉

山藥

十兩

當歸

酒洗十兩

天冬

一觔

爲末安羊肉內縛定用

無灰酒四甔煮令酒乾入水二斗煮爛再入

後藥

黃耆

五兩

人參

三兩

白朮

二兩

爲末糯米飲

作餅焙乾和丸溫酒下



此用血肉有情之品。以形補形。喜其不用地黃之滋膩。平調管衛。而不礙脾胃。故極爲妥善。

三才封髓丹

天門冬 熟地黃 二兩 人參 一兩 黃柏 酒炒 三兩

砂仁 一兩 甘草 炙 七錢 麵糊丸用茯苓 五錢

切片酒一大盞浸一宿煎湯送下

此方治龍雷之火不安。夢遺走洩。則可若腎

氣久虛精宮不固者豈得再用苦寒斷宜補腎納氣之法爲是。

大造丸

紫河車

具一

敗龜版

二兩童便浸三日酥炙黃

黃柏

鹽酒炒

杜仲

酥炙一兩五錢

牛膝

酒浸

天冬

去心

麥冬

去心

人參

兩一

地黃

二兩茯苓砂仁六錢同煮去之

夏加五味子酒煮米糊

丸女人去龜版加當歸乳煮糊丸

方中用茯苓砂仁二味製地黃最佳但恐黃

柏苦寒傷脾胃。漸致食少澹泄。則金氣更傷。此不可以不慮也。不如減去爲佳。

### 補天丸

紫河車

一具

黃柏

酒炒

龜版

酥炙三兩

南杜仲

薑汁炒

牛膝

酒浸一兩

陳皮

一兩

冬加乾薑五錢夏加炒五

味子一兩酒糊爲丸

河車爲生人造命之原。用之以補先天。並非假後天以濟先天也。加減之法頗佳。但黃柏

宜除去。

人參固本丸

人參 二兩

天冬

炒

生地

熟地

四兩

蜜丸

此方治火旺尅金者爲宜。若脾胃虛弱宜參用培土生金之法。

參乳丸

人參末

人乳粉

等分蜜丸

平補氣血一壯水之源一益氣之主。後人兩

儀膏從此化出

天王補心丹

生地

酒洗

人參

玄參

炒

丹參

炒

茯苓

一用  
茯神

桔梗

遠志

錢炒

五

酸棗仁

炒

柏子仁

炒

油

研去

天冬

炒

麥冬

炒

當歸

酒洗

五味子

炒

一

蜜丸彈

子大硃砂爲衣一方有石菖蒲四錢無五味子一方有甘草

此方原爲心血不足怔忡健忘等症而設故

收斂之藥不嫌太重。有桔梗載藥上浮。遠志  
開通心氣。二味已足。減去石菖蒲者爲是。否  
則開洩太猛。非虛人所宜也。

### 孔聖枕中丹

敗龜版

酥炙

龍骨

研末八雞  
腹煮一宿

遠志

九節菖蒲

各等分爲末。每服酒調一錢。

體壯氣濁痰多者可服。若體氣不甚強者。當  
加歸芍丹參柏仁等。方可久服。

大補陰丸

黃柏

鹽酒炒

知母

鹽水炒  
四兩

熟地

酒蒸

敗龜版

酥炙  
六兩

猪脊髓和蜜丸

此治陰火熾盛以致厥逆者則可。至內傷虛熱則斷不可用。

滋腎丸

又名通關丸

黃柏

酒炒  
二兩

知母

酒炒  
一兩

肉桂

一錢

蜜丸

坎之爲象一陽居二陰之中故真陽莫安而

不妄動腎水大虧。不能制火。飛龍上亢。故喘急而小便秘。此方用知柏以象二陰。用肉桂以象一陽。仍取坎卦之義。以通生化之原。意義極精。非尋常導龍歸海法也。

斑龍丸

鹿角膠

鹿角霜

兔絲子

柏子仁

熟地黃

等分爲末。酒化膠爲丸。一方加補

骨脂一方。加鹿茸肉蓯蓉陽起石附子黃芪



當歸棗仁辰砂

鹿角兔絲陰中之陽也。地黃陰中之陰也。用以補腎。不偏不倚。若加入陽起石辰砂等燥烈之品。則却陰耗氣全失。立方之旨矣。

龜鹿二仙膏

鹿角

拾

龜版

五

枸杞

二

人參

一

先將鹿角龜

版

截刮淨

水浸桑火熬鍊成膠。再將人參枸杞熬膏。和入。每晨酒服三錢。

峻補氣血。不寒不燥。又能益髓固精。誠補方中之最妙者也。

補火丸

石硫黃

一

猪大腸

二

將硫黃爲末。實猪腸中。

爛煮三時。取出去皮。蒸餅爲丸。如梧子大。每

服十丸。

硫黃一味。道家尊之爲金液。蓋以硫黃爲火之精。其性純陽。丹經云。陰氣一分不盡。不仙。

故學仙者欲絕陰以歸純陽。必煉絕陰丹服之。以破除陰氣。此道家燒煉之方。非尋常可用之藥。嘗見士大夫功成名就。妄想長生。燒煉硫黃辰砂等物。按時服食。乃服之日久。無不腹脹面青。腸胃崩裂而死。可不戒哉。若寒疫陰厥猝急之時。當病投之。功效大而且速。又非尋常溫通之藥所能及。學者宜善用之。

唐鄭相國方

破故紙

拾兩酒蒸爲末

胡桃肉

二拾兩去皮爛研

蜜調如飴

每晨酒服一大匙不能飲者熱水調忌芸薹

羊肉 本方加杜仲一筋生薑炒蒜四兩名

青娥丸 本方加杜仲胡盧巴小茴香萆薢

名喝起丸

喘與咳由於痰隨氣升。腰脚痛由於氣不納。腎方中二味。溫腎納氣。則喘咳自平。腰脚自強矣。青娥喝起二方亦俱有意義。

二至丸

冬青子

印女貞實冬至日採不拘多少陰乾  
蜜酒拌蒸過一宿粗皮擦去晒乾爲

末早蓮草

夏至日採不拘多少搗  
汁熬膏和前藥爲丸  
臨卧酒服

一方加桑椹乾爲丸或熬膏和入

二至丸取意甚佳尙嫌力量淺薄加入天冬地黃人參以三才合二至始爲得力

扶桑丸

嫩桑葉

去蒂洗淨晒乾一  
筋爲末

巨勝子

卽黑脂蘇淘淨四兩將脂

蘇搗碎熬汁和蜜煉至滴水成珠入桑葉末  
爲丸

此卽世所謂桑蘇丸也。去風明目烏髭黑髮。  
頗爲有功。至稱駐顏益壽。則譽之太過。殊爲  
失實矣。

參苓白朮散

人參

白朮

土炒

茯苓

甘草

炒

山藥

陳皮

扁豆

炒

薏仁

炒

砂仁

桔梗

蓮肉

炒

去心

爲末每三錢聚湯或米飲調服

此健脾和胃之正藥也。惟扁豆性劣宜減去。嘗見瘧愈之後服扁豆者無不復發。此可知也。

### 妙香散

山藥

薑汁炒  
二兩

人參

黃芪

遠志

炒

茯神

茯苓

一兩  
桔梗

二錢

甘草

二錢

木香

二錢

五分

麝香

一錢

辰砂

二錢  
另研

爲末每服二錢酒下

此方頗有作意。但參芪之固。終不敵麝香之  
開。誠恐耗散心氣。神不能藏。君火不安。相火  
亦動。以之開解。驚悸鬱結。則有餘。以治夢遺  
失精。則不足。不如減去。加沉香琥珀等爲佳。  
玉屏風散

黃芪

炙防風

一兩

白木

炒二兩

爲末。每服三錢。

此固表去風藥。用以實表。則可。若云加減。卽  
可代桂枝麻黃等湯。則表實而邪無出路。斷



斷不可此等議論誤人不淺必不可從。

### 四君子湯

人參

白朮

土炒

茯苓

二錢

甘草

一錢

薑三片

棗二

枚煎

本方加陳皮名異功散再加半夏名

橘半六君子湯

加香附砂仁名香砂六君

子湯

本方加木香藿香乾葛名七味白朮

散

本方除人參加白芍名三白湯

本方

合四物名八珍湯又加黃芪肉桂名十全大

補湯

四君子湯。中正和平爲補方中之金科玉律。至加減有法者。如異功散之理氣。橘半六君之去痰。香砂六君之溫胃。加竹瀝薑汁之治半身不遂。七味白朮散之去熱治瀉。均極妥善。三白湯治內傷。尙可。若謂治外感亦爲竒方。則吾不信也。至於合四物爲八珍。增黃芪肉桂爲十全大補。用各有當。皆不可磨滅之。

良方也

升陽益胃湯

黃芪二兩人參

甘草炙半夏一兩夏一兩白芍炒

羌活獨活防風五錢陳皮四錢白朮土炒茯苓

澤瀉柴胡三錢黃連二錢薑棗煎

東垣論飢飽勞役陽陷入陰面黃氣弱發熱者當升舉陽氣以甘溫治之此真卓識確論為治陽虛發熱者開一大法門惟方中輒用

升柴恐上實下虛者更加喘滿在東垣必能明辨當病而投後人若執定此法一概施之則誤人不淺矣。

補脾胃瀉陰火升陽湯

黃芪

蒼木

酒浸炒

甘草

炙

羌活

一兩

升麻

八錢

柴胡

一兩五錢

黃連

酒炒五錢

黃芩

炒

人參

七錢

石膏

少許

每服三錢或五錢

東垣十書予最爲服膺以其重脾胃爲正法

眼藏也。如此方中升柴黃連黃芩石膏等皆非可輕投。後人但師其意不泥其方可耳。

### 補肺湯

人參

黃芪

蜜炙

五味子

炒

紫菀

錢一

桑白皮

蜜炙

熟地

錢一

入蜜少許和服

此方但爲肺氣久虛以致咳嗽而設。其他咳嗽之症不一而足不可混施。方中有補有瀉。用意亦佳。但桑皮紫菀之薄弱豈能敵參芪。

熟地之滯膩。獨不慮助痰爲病乎。至謂熟地壯水。免得子盜母氣。則可謂爲化痰之妙品。則佐使正未合也。

### 百合固金湯

生地黃

錢一

熟地黃

錢三

麥冬

錢一五分

百合

當歸

貝母

芍藥

炒

生甘草

錢一

玄參

桔梗

八分

此方金水相生。又兼養血。治肺傷咽痛失血者最宜。李士材謂清金之後。急宜顧母。識解。

尤卓予謂咽痛一定卽當培土生金也。

### 紫菀湯

紫菀

洗淨炒

阿膠

蛤粉炒

知母

貝母

二錢

桔梗

人參

茯苓

甘草

五分

五味子

十二粒

此方治氣極久咳失血極佳若肺癰便當去五味子以肺氣壅塞成癰不宜收斂也。

### 秦艽扶羸湯

柴胡

二錢

秦艽

人參

當歸

鱉甲

炙

地骨皮

半錢

紫苑

半夏

甘草

錢

薑棗煎

所載見症。乃陰陽兩虛。碎金不鳴之候。並無表症。且體虛自汗。元氣更傷。柴胡秦艽半夏生薑辛散之品。重傷其陰。吾恐危亡隨之矣。

黃芪鱉甲散

黃芪

蜜炙

鱉甲

炙

天冬

五錢

秦艽

柴胡

地骨皮

桑白皮

紫苑

半夏

茯苓

三錢

芍藥

生地黃

知母

甘草

炙三分

錢

人參



桔梗

肉桂

一分錢五分

薑煎

此方過於繁雜不足法也

### 秦艽鱉甲散

鱉甲

炙

秦艽

知母

當歸

柴胡

地骨皮

兩

烏梅

一個

青蒿

五葉

風爲天之氣。中人最速。鬱而爲熱。固當清散。但深入骨裡者。千萬中無一二。蓋骨蒸乃陰虛。非外風在骨也。

益氣聰明湯

黃芪

人參

五錢

葛根

蔓荊子

三錢

白芍

黃柏

二錢如有熱煩亂春月漸加交升麻錢夏倍之如脾虛去之熱淋少用半

炙甘草

一錢臨卧服

此方重脾胃而兼治肝腎。立義最精。但升麻似乎過重。酌減其半。亦可以升清開竅矣。

羊肉湯

當歸

白芍

牡蠣

煨一兩

龍骨

煨五錢

生薑

二兩

附子

炮二兩

桂枝

七錢五分

每服一兩羊肉四兩加

葱白煮服

此方飲陰生陽。補虛固脫。色色周到。洵爲佳製。

麻黃湯

麻黃

去節三兩

桂枝

二兩

杏仁

七十枚去皮尖

甘草

一兩炙用

先煮麻黃數沸去沫。內諸葯煎熱服。覆取微汗。中病卽止。不必盡劑。

仲景立方之祖醫中之聖也。所著傷寒金匱諸書言言典要。爲後人度盡金針。卽如傷寒太陽一症。頭緒最繁。有風傷衛者。有寒傷營者。有風寒雨傷營衛者。不得其解。無所措手。今觀其用桂枝湯治風傷衛。用麻黃湯治寒傷營。大青龍湯治風寒兩傷營衛。劈分三項。開三大法門。後人察脈辨症。謹守成規。度不。至於僨事。但仲景本爲隨受隨發。冬月之正。

傷寒而設。非可以此法混施於春溫溫疫等症。後人不明此理。一概混投。誤人實多。於是辨論者紛紛而起。遂將溫症寒症糾纏不已。愈辨愈明者固多。愈辨愈晦者亦不少。予則以爲春溫歸春溫。溫疫歸溫疫。傷寒歸傷寒。各分門類。劃然了然。不必互相引証。反使人多所惶惑也。

桂枝湯

桂枝 芍藥 生薑三兩 甘草三兩 大棗十二枚  
此治風傷衛。解表之輕劑也。加減之法最多。  
細看註中之方。凡仲景所加減者。無不絲絲  
入扣。至後人之法。亦儘有可用。但須細心參  
酌。因症而施。始爲得之。

大青龍湯

- 麻黃 六兩
- 桂枝
- 甘草 二兩炙
- 杏仁 四十枚去皮尖
- 石膏 一塊如雞子大
- 生薑 二兩
- 大棗 十二枚

此爲風寒兩傷營衛而設。卽麻黃湯加石膏姜棗也。麻黃湯中本用桂枝。可見仲景治寒未嘗不兼治風。則風寒兩傷營衛者。用麻黃湯亦足矣。而必加石膏等三味者。蓋因風寒兩傷營衛。非但傷風傷寒之可比。鬱熱必倍加。故用石膏體重。味輕。以瀉鬱熱。姜棗甘溫。以反佐之。仲景之意。全重在煩躁二字。若無此候。萬不可輕投。

小青龍湯

麻黃

去節

桂枝

芍藥

酒炒

細辛

甘草

炙

乾薑

兩

半夏

五味子

半升

此方全爲外有風內蓄水而設。所以不用石膏者。因水停胃中。不得復用石膏。以益胃之寒。故一變而爲辛散。外去風而內行水。亦名曰青龍者。亦取發汗。天氣下爲雨之義也。

葛根湯



葛根

四兩

麻黃

生薑

三兩

桂枝

芍藥

甘草

二兩

大棗

十二枚

太陽症無汗宜用麻黃湯矣。乃變其法於桂枝湯中加葛根麻黃二味。此中與義全在惡風二字。但惡風而不惡寒。則不在寒傷營之例。乃太陽表症未解。將入陽明之象。故用麻黃以發汗。桂枝以去風。參用葛根以阻其入陽明之路。若拋荒本經之病而預用引經之

藥便爲開門揖盜。仲景斷不爲也。

麻黃附子細辛湯

麻黃

細辛

二兩

附子

一枚

此症機竅全在反發熱脈沉五字。蓋太陽之邪初傳少陰。故脈症如此。方中用細辛附子溫腎以捍衛本經。格外來之邪不使深入。用麻黃以散太陽之邪。使之仍從原路而出。只此三味而治法之妙如此。非仲景其孰能之。

升麻葛根湯

升麻

錢三

葛根

錢二

芍藥

錢一

甘草

炙

加姜煎

此方用升麻葛根以升散陽明。又恐升提太過。致人喘滿。故用芍藥甘草酸收。甘緩以佐之。究竟互相牽制。不如獨用葛根爲君。加牛旁連。喬枯梗薄荷等。斑疹時疫。則加馬勃青黛等。未爲不可也。

柴葛解肌湯

柴胡 葛根 羌活 白芷 黃芩 芍藥

桔梗 甘草 加薑棗石膏 煎服

此証無脇痛耳聾之象與少陽無涉乃首用柴胡開門揖盜一忌也大青龍湯用石膏全為煩躁而設輒用石膏以傷胃氣二忌也此方斷不可用

柴胡升麻湯

柴胡 前胡 黃芩 六錢 升麻 五錢 桑皮 四錢

葛根

四錢

荆芥

七錢

赤芍

石膏

一兩

加姜

三片

豉

二十粒煎

升麻之爲物。用以治天行癘疫。化毒消斑。則可尋常陽明症中。不可輕用。且用石膏爲君。意在清肺胃耳。獨不慮寒胃太過。其變更不可問乎。

九味羌活湯

羌活

防風

蒼朮

一錢五分

細辛

五分

川芎

白芷 生地 黃芩 甘草  
錢一加生姜葱白煎  
此方用以代麻桂等湯。實爲穩妥。但地黃滋膩太過。不如仍用桂枝湯中之芍藥。歛陰而不滋膩也。至其辛散燥烈。陰虛氣弱者忌用。則固自言之矣。

十神湯

麻黃 葛根 升麻 川芎 白芷 紫蘇  
甘草 陳皮 香附 赤芍 加姜葱煎

時邪瘟疫。天行之厲氣也。故此方於升散中。多用芳香辟穢之品。辛烈善走。雖有芍藥甘草。不能制之。不可作陽經外感之通劑用也。

神木散

蒼朮

制

防風

二兩

甘草

一兩

加姜葱煎

木

除蒼朮加白朮二兩不用葱名白朮湯

神木白朮二方。乃治寒傷脾胃濕滯於裡之妙法。夾有外感受寒無汗者加葱白。受風有

汗者去葱白。動有法度。正不必謂其可代麻黃桂枝二法也。

大無神木散

蒼朮

州浸

厚樸

姜汁炒各一錢

陳皮

二錢

甘草

炙

藿香

石菖蒲

各一錢五分

大無神木散。乃正本清源之要義。惟石菖蒲一錢五分。開洩太過。宜酌減之。

葱豉湯



葱白

一握一升

解表通陽最爲妥善勿以其輕淡而忽之

人參敗毒散

人參 羌活 獨活 柴胡 前胡 川芎

枳殼

桔梗

茯苓

一兩五錢

甘草

每服一兩加薑三片薄荷少許煎

此不過尋常固本治標法耳。用之於虛人感冒則可。若表裡俱實。則不增劇爲幸。尙望病

之輕減乎。傷寒用人參。仲景本有成法。並非  
以人參助元氣。爲驅邪之主也。嵐障則濕毒  
爲多。亦非感冒可比。至癘疫之氣。中人更烈。  
陽毒則有發熱煩躁斑疹等症。陰毒則有面  
青腹痛下利等症。若用此方治陽毒。既無清  
火解邪之功。以之治陰毒。又無回陽急救之  
力。均未見其可。予於喻西江先生。最爲服膺。  
豈敢輕議。但謂表藥中有用人參之法。則可。

若謂表藥中用人參更爲得力則不敢阿私  
所好也

川芎茶調散

薄荷

八錢川芎

荆芥

四錢羌活

白芷

甘草

錢一防風

五分細辛

錢一每三錢

食後茶調服

輕揚解表三陽並治兼用細辛並能散寒惟  
虛人宜去此一味蓋細辛善走誠恐重門洞  
開反引三陽之邪內犯少陰此不可以不慮

也。

再造散

人參

黃芪

桂枝

甘草

附子

炮細辛

羌活

防風

川芎

煨薑

棗

此方但可施於常時之不能作汗者。若在冬月而脈見浮緊。便是太陽之寒傷營。此方斷不可用。註中又引東垣丹溪治虛人感冒。多用補中益氣加表藥。予不以爲然。蓋親見喜

用升柴者。殺人無數。故不得不加意慎重。非偏執已見。不喜升柴。實不敢泥紙土之成方。悞目前之人命也。

### 大羌活湯

羌活 獨活 防風 細辛 防已 黃芩

黃連 蒼朮 白朮 甘草 炙三錢 生地黃

知母 川芎 每服五錢熱飲

兩感傷寒。一日太陽少陰。二日陽明太陰。三

日少陽厥陰。古方俱有加減治法。但予意更有進者。若至二日而前症未解。則是四經合病。三日而前症未解。則是六經俱病矣。四經合病者。既未有成方。而六經俱病者。更難於措手。仲景以後。豈復有補天浴日手段。大羌活湯。漫無分別。亦不過盡人事而已。

桂枝羌活湯

桂枝 羌活 防風 甘草 等分 每服五錢

瘧發在處暑前宜從時瘧治且內經只分邪在肌表在衛在營初無六經之說更不可做傷寒之例。

瓜蒂散

甜瓜蒂

炒黃

赤小豆共爲末熱水或酸壘水調

下

高者因而越之。經有明訓卽吐法也。後人視爲畏途久置不講。殊不知痰涎在胸膈之間。

消之匪易。因其火氣上衝之勢。加以吐法。使  
傾筐倒篋而出之。則用力少而成功多。瓜蒂  
散之類是也。且吐必有汗。故併可治風。治黃。  
惟註中食填太陰。欲吐不出二語。須與申明。  
蓋飲食必先入胃。食填太陰者。非既出胃而  
入脾也。乃胃氣窒塞。使脾氣不通耳。又必新  
入之食。尚爲完穀。故可用吐。若經宿之後。將  
爲燥糞。滯於胃中。便宜攻下。豈可尚用吐法。



乎

參芦散

人參芦研爲末水調下一二錢或加竹瀝和服

化痰清火頗爲平穩。但用以涌吐恐力尙不逮也

梔子豉湯

梔子 十四枚  
淡豉 四合  
服令微吐

註中治傷寒汗吐下後虛煩不眠懊懣身熱等症。汗吐下後一語宜善體會。蓋言或汗後肌表雖解而裡熱未除。或吐後痰氣雖平而陽邪未去。或下後裡滯雖退而表邪未清。乃指一節而言。並非謂三法並用之後也。今人死煞句下。往往誤認三法並施。雖有壯夫豈能堪此。且三法並用之後。豈尙有餘邪未清者乎。不參活句。謬以千里矣。仲景用梔子。介

上焦之熱邪。委宛而下。用豆豉以開解肌理。眞超凡入聖之方。其各種加減之法。亦俱有精義。不得草草讀過。

稀涎散

皂角

四挺去皮弦炙

白礬

兩

共爲末。溫水調下五分。

或加藜蘆

治上焦用湧吐之法。此義本之內經。而方則出於仲景。古人體氣壯實。不妨用之。後世機

心日明嗜慾日甚。元氣大傷。稟受甚薄。一經湧吐汗而且喘。百變叢生。後人不敢輕用。蓋亦慎重之道。卽如稀涎散性最猛烈。用以救猝急痰症。方足以斬關奪門。然尙有醒後緩投藥餌。痰不可盡攻之戒。可知虛人及尋常之症。不可輕用吐法也。

乾霍亂吐方

燒鹽 熱童便 三飲而三吐之

痧症至元而始著。元以前。但有霍亂之名。無所爲痧症也。欲吐不得。欲瀉不得。陰陽顛倒。氣閉血凝。症極危險。故不可進藥餌。穀食。燒鹽童便以吐之。是也。然必須外用針刺人中。少商。委中。舌尖等處。再用手揉其穴。令血能多出。則毛竅方開。而氣始得漸達。或用香附末。廣艾炒溫。熨臍之四旁。亦佳。

大承氣湯

大黃

酒洗

芒硝

合

枳實

枚

厚樸

半

先煎

樸實

將熟肉大黃煮二三沸。傾碗內和芒硝服。攻下之法。原因實症俱備。危在旦夕。失此不。下。不可復救。故用斬關奪門之法。定難於俄。頃之間。仲景所以有急下存陰之訓也。乃後。人不明此義。有謂於攻下藥中。兼行生津潤。導之法。則存陰之力更強。殊不知一用生津。滋潤之藥。則互相牽制。而蕩滌之力輕矣。此。

譬如寇盜當前。恣其焚掠。所過爲墟。一旦聚而殲之。然後人得安居。而元氣可以漸復。是去實可以保陰。乃相因之理。方得存字。眞解並非謂攻實卽是補陰。併可於攻下中寓養陰法也。仲景製大承氣湯。用枳實開上焦。用厚樸通中焦。芒硝理下焦。而以大黃之善走者。統率之。以蕩滌三焦之堅實。正聚寇盡殲之大法。而又恐藥力太猛。非可輕投。故又有

欲用大承氣。先與小承氣之訓。夫以仲景之神靈。豈尙待於先試。實恐後人審症未確。藉口成法。孟浪輕投。不得不諄諄誥誡。此實慎重民命之婆心也。至於三陰多可下之症。三陽惟正陽明可下。少陽必不可下。而陽明中夾有太陽少陽症者。亦斷不可下。惟太陽症。脈緊惡寒。無汗腹痛者。乃陰氣凝結。營分亦可用溫用下。細看方書。宜下忌下之條。慎重。



斟酌始爲得之

小承氣湯

大黃

四兩

厚樸

二兩

枳實

三枚  
麩炒

此治邪在中上兩焦之正法也。註中但有譫語潮熱喘滿等症。而無腹脹堅滿之象。故減去芒硝。不使伐無病之地。以却陰畧一加減。必有精義。規矩方圓之至也。

調胃承氣湯

大黃

酒浸

芒硝

兩

甘草

炙五錢

少少

溫服

此治邪在中下焦之正法也。註中惡熱口渴腹滿中焦燥實數語最宜着眼可見病在脾胃全與上焦無涉。若雜入枳樸以犯上焦則下焦之濁氣必隨感而上反致喘逆者有之矣。去枳樸加甘草使之專入脾胃而又緩芒黃善走之烈。謹慎周詳毫髮無憾。

大陷胸湯

大黃

兩 芫硝

升

甘遂

一錢

先煮大黃去滓內

芫硝煮一二沸內甘遂末溫服

傷寒下之早則反爲結胸。蓋緣邪尙未入陽明。若先下之。則邪未去而徒傷胃氣。邪反得乘虛入胃。而爲結胸。或熱勝寒勝痰勝濕勝。諸瀉心湯。黍酌用之。最爲妥善。此症仲景不用瀉心承氣諸法。而用大陷胸湯者。因三焦俱實。而又有水氣。故不得不改用此方。觀註

中日晡潮熱。從心至小腹鞭滿。痛不可近。只此一症。與此方確對。蓋誤下之後。胃氣雖虛。而邪入胃中。則正經所謂邪往從之。處處轉實。故藥雖極峻。不犯虛虛之戒。至前後兩條。有云。或重汗而復下之。不大便五六日。舌上燥渴。此則津液大傷。近於陽結。又云。或無大熱。但頭微汗出。脈沉。爲水結胸。則近於陰結。此二條。似不堪此峻劑矣。丹溪亦微有不滿。

之意。後人自當以慎重爲宜。

小陷胸湯

黃連

兩半

夏升半

括萋

一枚

小陷胸湯。非但治小結胸。並可通治夾滯時邪。不重不輕。最爲適用。

大陷胸丸

大黃

兩

芒硝

葶藶

炒

杏仁

去皮尖  
各半升

合研取

如彈丸一枚。別搗甘遂末一錢。白蜜二合者。

服

變湯爲丸。加葶藶杏仁以洩肺氣。是專爲上焦喘滿而設。

十棗湯

芫花炒甘遂

大戟等分

大棗十枚先煮棗去滓

內前藥末或棗內爲丸

十棗湯乃逐水之峻劑。非大實者不可輕試。至河間之三花神佑丸。除大棗而加大黃黑

丑已是一味峻猛不復留脾胃之餘地。更加輕粉。則元氣搜括殆盡。病雖盡去。而人亦隨亡。可知仲景以十棗命名。全賴大棗之甘緩。以救脾胃。方成節制之師也。

三物備急丸

巴豆霜 大黃 乾薑 等分蜜丸

此不過猝急備用力耳。姑存之以備一法。

硝砂丸

硃砂

巴豆

去油

三稜

乾薑

白芷

錢五

木香

青皮

胡椒

二錢五分

大黃

乾漆

炒一兩

枳櫛

內豆蔻

個一

爲末

醱醋二升

煮巴豆五

七沸再

下三稜大黃

未同煎五

七沸入硃砂熬成膏

和諸藥杵丸葶豆大每五九薑湯下

凡積聚之成。多由陽虛氣弱。陽分虛則不能化濁。而陰氣日凝。氣分弱則不能和營。而血脈閉塞。種種積聚。由此而成。施治之法。當以



通陽理氣爲第一義若但用攻劫峻劑吾見其立敗也。

木香檳榔丸

木香

檳榔

青皮

醋炒

陳皮

去白

枳殼

炒

黃柏

酒炒黃連

菜黃湯炒

三稜

醋煮

莪朮

醋煮

五錢

大黃

酒浸一兩

香附

黑牽牛

二兩

芒硝

水丸

一方

加當歸

酒洗

此較礪砂丸已從輕減但峻烈之品尙多試問病退之後元氣尙存幾許卽有加當歸一

味者一潤而十攻豈尙能有濟乎。此等方法。註中原載施諸壯實之人。究竟壯實之人患此症者絕少。大抵皆脾虛氣弱者多。斷不可藉口於經驗之方。而任意輕投也。

枳實導滯丸

大黃

一兩

枳實

炒

黃芩

酒炒

黃連

酒炒

神麴

炒

五錢

白朮

土炒

茯苓

二錢

澤瀉

三錢

蒸餅

爲丸

治濕熱蘊結腹痛泄瀉頗爲得力。但黃芩黃

連。尙在可減之律。恐苦寒太過。反傷中上二焦也。

倒倉法

黃牡牛肉

肥嫩者二三十觔

切碎洗淨用長流水桑

柴火煮糜爛。濾去滓。取淨汁。再入鍋中。文武火熬至琥珀色。則成矣。擇一靜室。明快不通風者。令病人先一夜不食。坐其中。每飲一鍾。少時又飲。積數十鍾。病在上者必吐。病在下

者必利病在中者吐而且利視所出物可盡  
病根乃止吐利後必渴不得與湯其小便必  
長取以飲之名輪迴湯非惟止渴兼滌餘垢  
行後解退倦卧覺飢先與米飲次與稀粥三  
日後漸進厚粥軟飯戒牛肉數年

倒倉法乃實脾之法也。牛性屬土。最能補脾。  
脾氣實則中州之轉輸利便。而垢滯無所容  
留。故在上者。迫之仍從上出。在下者。迫之仍

從下出正盛邪消理固然也。

蚤煎導法

蜂蜜用銅器微火熬頻攪勿令焦候凝如飴捻作挺子頭銳如指糝皂角末少許乘熱納穀道中用手抱住欲大便時去之陰液虧損魄門燥結故以此潤之。

猪胆導法

猪胆一枚取汁入醋少許用竹筒長三四寸

以下半納穀導中將胆汁灌入肛中頃當大便

胆汁苦寒瀉火而潤燥故熱結便秘者宜之

### 大柴胡湯

柴胡兩八半夏半升黃芩兩三芍藥兩三生薑兩五大棗

十二枚枳實四枚大黃酒浸二兩

大柴胡爲發表攻裡之劑可見表症未解雖裡症甚急不宜專於攻下置表症於不問也

然。究。竟。攻。裡。之。力。倍。於。解。表。從。此。可。悟。立。末。之。法。當。相。其。緩。急。輕。重。而。投。之。則。不。拘。成。法。中。自。然。處。處。合。法。矣。

柴胡加芒硝湯

小柴胡湯加芒硝六兩

傷寒再傳少陽之症未解。胃中又有實熱。故用芒硝以蕩其餘波。較大柴胡爲輕減矣。

桂枝加大黃湯

桂枝湯加大黃

一芍藥兩三兩

太陽候下不專屬胃而入於脾故仍用枝枝以解太陽之邪加大黃以去太陰之實

冰解散

麻黃

兩四兩桂心

甘草

炙

白芍

兩二兩

大黃

黃芩

兩三

瘟疫有直中面無傳經初起便有數經合病者故發表攻裡不嫌太早也



防風通聖散

防風

荆芥

連翹

麻黃

薄荷

川芎

當歸

白朮

白芍

炒山梔

炒黑

大黃酒浸

苾硝

五錢黃芩

石膏

桔梗

一兩

甘草二兩

滑石

三兩

加生姜葱白煎

雖云通治一切內外諸邪。然必如註中表裡三焦俱實者方可用。否則硝黃之峻烈。石膏滑石之沉寒。尋常之症。豈能堪此。雙解散已

除去大黃芩硝而石膏滑石二味予意尙以爲過當。不如一併除去。加水通青皮二味爲妥也。至祛風至寶丹則爲治中風之善劑矣。

葛根黃連苓湯

葛根觔半甘草炙黃苓二兩黃連二兩

太陽悞下熱入陽明故於解表中清陽明之熱以止利

三黃石膏湯

石膏

一兩五錢

黃芩

黃連

黃柏

七錢

梔子

二十

麻黃

淡豉

二合

每服

一兩

姜三片

棗二枚

細茶一撮煎服

三焦鬱熱毒火熾盛非三黃石膏不足以祛之尤妙在麻黃豆豉開解肌表使鬱火通行此正如清風滌煩非發風助火也

五積散

白芷

陳皮

厚樸

六分

當歸

川芎

芍藥

茯苓

桔梗

分八蒼朮

枳殼

分七半夏

麻黃

分四乾姜

肉桂

重用桂枝者

甘草

分三

加姜蔥煎

仲景治傷寒發表則麻黃桂枝溫中則乾姜

附子簡當的確開後學無限法門此方不過

發表溫中耳而藥味繁多通治五積豈有一

人之身五積咸備而尚能存活者乎若其人

只有一積或多則二積豈可以五積並治者

治之乎後人於本方再合人參敗毒散名五

積交加散則更不解所謂矣

麻黃白朮湯

青皮 陳皮 黃連 酒炒 黃柏 酒炒 甘草 炙

升麻 二分 柴胡 桂枝 人參 黃芪 厚樸

蒼朮 浸池 白朮 土炒 指苓 三分 茯苓 澤瀉 吳

四分 白寇 炒麩 五分 麻黃 不去節 六分 杏仁 四分 分

二服

藥須對症而發見一症治一症合病則合治

之併病則併治之如是而已。未聞可以六經  
通治也。方中藥有二十二味。補散溫涼一齊  
用。到卽如升柴麻桂等。豈不與喘促無力相  
妨乎。黃連黃柏等。豈不與臍有動氣小腹急  
痛相戾乎。不謂東垣老人亦有此等方。何況  
自檜也下。

參蘇飲

人參

紫蘇

乾葛

前胡

半夏

姜汁炒

茯苓

七錢五分

陳皮

去白

甘草

枳殼

麩炒

桔梗

木香

二錢

每五錢加姜棗煎

補散兼行。風痰並解。當病卽止。不爲過量製方最佳。

### 香蘇飲

香附

炒

紫蘇

二錢

陳皮

去白一錢

甘草

七分

加姜葱煎

外疎風而內行氣。正以輕鬆流利爲佳。不必動輒峻劑也。

茵陳丸

茵陳

梔子

鱉甲

苳硝

二兩

大黃

常山

杏仁

炒三兩

巴豆

一兩去心皮炒

豆豉

五合

蜜丸

天行厲氣取效每有不可以常理論者至瘥瘧及赤白痢自有正法治之何必冒險以冀倖汪詛菴反以爲佳方吾不解也

醫方論卷一終